

中興禮書

中興禮書第十六卷

吉禮十六

郊祀樂曲章二

紹興二十八年七月二十四日准御前降下御制郊祀
太禮天地宗廟樂章付太常寺肄習

朝獻景靈宮

聖祖位奉玉幣靈安之曲

上靈始祖雲景元尊嚴祀夙展六樂朱軒明玉之潔豐
帛之溫暢乃繼序承德不愆

聖祖位酌祖安之曲 御制

瑤源誕啓玉牒肇榮覆育群有監觀圓清酒醴既洽登
薦惟誠無有後艱駿惠雲仍

朝饗太廟

太祖室酌獻皇武之樂舞

為民請命皇祖赫臨天地並貺億兆同心造邦以德介福宜深挹彼惟旨真遊居歆

太宗室酌獻太定之樂舞

皇矣太宗嗣服平成益奮神旅再征不庭文武秉德仁孝克明以聖傳聖對越紫清

徽宗室酌獻承元之樂舞

於皇烈考道化聖神堯聰舜孝文恬武忻命子出震遺駿上賓岡極之哀有古莫倫

圓壇

昊天上帝位尊玉幣嘉安與帛

上穹昊天日星垂耀照臨下土王國是保維玉與帛寅
恭昭報永左右之欽若至道

皇地祇位奠玉幣嘉安之曲

至哉仲厚隕然止靜柔載動植資始成性玉光幣色燦
若其映式恭禋祀有邦之慶

太祖皇帝位奠玉幣廣安之曲

明明藝祖並侑泰壇肇造綿宇王業孔艱表正豐略上
際下蟠躬以大報亦祉于燔

太宗皇帝位奠玉幣化安之曲

赫赫巍巍時及純熙昊天天成命后則受之登邁邃古光
被聲詩有幣陟配孫謀所貽

昊天上帝位酌獻禧安之曲

謁款壇陞祇事泰禋丘圓自然可格至神桂樽登酌嘉
薦芳新靡福菲眇敷佑下民

皇地祇位的獻光安之曲

厚德光天承元之明茲潛享吹升於昭清水天桂海咸
資化成恭酌彛醪報天惟精

太祖皇帝位的獻彰安之曲

於赫皇祖創業立極肅肅靈命蕩蕩休德嘉觴精潔雅
奏金玉丕顯神謨惟後之則

太宗皇帝位的獻韶安之曲

丕顯帝宗復受天命羣陰將黜一戎大定莫彳斯馨功
歌在咏佑啓後人文軌蚤正

三十日敕中書門下省宰執學士院兩省官修潤到郊

祀大禮樂章詔可降付有司

朝獻景靈宮

降聖太安之曲

尚書左僕射沈誨

惟德馨香升聞八方粵神臨之來從帝鄉萬靈景衛有
燁其光監我精純降福穰穰

皇帝飲福酒報安之曲

皇帝詣飲福位乾安之曲同

嘉薦既終神貺斯復賚我思成靈光下燭孝孫承之載
祇載肅敷錫庶民函蒙祉福

皇帝入門乾安之曲

維皇齊居承神其初顒顒昂昂龍步雲趨景鍾鏗如肅
覲清都眇蜚之交神人用孚

皇帝升殿乾安之曲

帝既臨饗馨茲精意對越在天爰陞紫陞孔容翼翼保
承丕緒孝奏天儀永錫爾類

亞獻冲安之曲終獻冲安之曲同

五音飭奏神既億康滂其容薦與此嘉觴有來顯相錫
玉鏘鏘奉承若宥罔不齊莊

送真太安之曲

雍歌既徹熙事備成神夕奄虞忽乘青冥靈心回瞻盥
我精裡誕降嘉祉休德昭清

皇帝詣望燎位乾安之曲尚書在僕射湯恩

奕奕靈宮有嚴密祀燎具揚禮儀既備帝心肅祀祇天
步旋止對越在天永膺蕃祉

朝饗太廟

迎神興安之曲

鉅鬯既將黃鍾具奏肅我祖考祇栗以竣於皇列聖在
帝左右監觀于茲雲來下

皇帝飲福酒禧安之曲

赫赫明明維祖維宗監于文孫維德之同日靖四方亦
同其功億萬斯年以承家邦

皇帝入門乾安之曲

於皇我后祇戒專精假于有廟祖考是承趨進維肅優
思維誠神之聽之來燕來寧

皇帝升殿乾安之曲

皇帝詣室乾德之曲二
首同

皇皇太宮不顯於穆休德昭清元氣回復芝葉蔓茂桂
華馮翼孝孫假思受茲介福

皇帝詣禧祖室酌獻基命之樂舞

思文禧祖基德之元皇武大之受命于天積厚流光不
已其傳曾孫篤之於萬斯年

皇帝詣翼祖室酌獻基命之樂舞

知樞密院
事陳誠之

天命有開維仁是依廼瞻冀邦予以顧之其顧伊何發
祥肇基施于孫子虔奉孝思

皇帝詣宣祖室酌獻天元之樂舞

思文真宗體道之崇懌威赫靈遵制揚功真符鼎來告
成登封盛德百世於昭無窮

皇帝詣英宗室酌獻治隆之樂舞

穆穆英英持盈守成世德作休是續是承惇宗睦族偃
武恢文於薦清醕酌之欣欣

皇帝詣神宗室酌獻大明之樂舞

承哉維后繼明體神稽古行道文物一新潤色鴻業垂
裕後人靈祚沛然來燕來寧

皇帝詣哲宗室酌獻重光之樂舞

明哲煌煌照臨無疆紹述先志實宣重光詒謀燕翼率
由舊章必芬孝祀降福穰穰

亞獻正安之曲

威神在天饗于克誠申以貳觴式昭德馨邇豆孔嘉樂
舞具陳庶幾是聽福祿來成

終獻正安之曲

疏幕三舉誠意一純孰陪予祀公族振振神具醉止宴
娛嘏冥於萬斯年綏我斯成

送神興安之曲

參知政事陳康伯

宋王忠文公

神之來游風馬雲車奄留放惠顧瞻歆歔神之還歸鈞
天帝居監觀于下何福不除

圓壇

降神景安之曲

陽動黃宮日旋南極天門蕩蕩百神受職爰熙紫壇煥
黃珠色神哉沛來蓋親有德

皇帝飲福酒禧安之曲

八音克諧降神出祇風馬雲車陟降在茲錫我純嘏我
應受之一人有慶燕及羣黎

皇帝入中壇乾之曲

帝出乎震巽惟齊明律曰姑洗以示潔清我交于神蠲

意必精既盥而往祈監斯成

皇帝升壇乾安之曲

帝臨崇壇媼神其從稽古合祛並侑祖宗升階奠玉誠
意感通况施鼎來受福無窮

皇帝降壇乾安之曲

躬展盛儀天步逡巡樂備禮交嘉玉既陳神方安坐薦
祉紛綸陟降有容皇心載勤

皇帝再升壇乾安之曲

帝臨崇壇媼神其從稽古合祛並侑祖宗升階奠酌誠
意感通况施鼎來受福無窮

皇帝降壇乾安之曲

躬展盛儀天步逡巡樂備禮交旨酒既陳神方安坐薦

祉紛綸陟降有容皇心載勤

亞獻正安之曲 同知樞密院事王紳

陽丘其高神祇並位既奠厥玉既奉厥醴亦有嘉德克相絜祀旨哉再酌以成熙事

終獻正安之曲

陽丘其高神祇在位既奠厥奉玉既奉厥醴亦有嘉德相克絜祀旨哉三爵以成熙事

皇帝升壇飲酒乾安之曲

帝臨崇壇媼神其從祖宗並歆福祿攸同兵寢刑措時和歲豐既膺受之以施無窮

送神景安之曲

九霄眇邈神不可求何以降之監德之修三獻備成神

不可留何以送之保天之休

皇帝詣望燎位乾安之曲

謂天蓋高陽噬而生日月列宿皆天之神肆求厥類與陽俱升視燎于壇以終其勤

皇帝詣望瘞位乾安之曲

謂地蓋厚陰翕而成社稷羣望皆地之靈肆求厥類與陰俱凝視瘞于坎以終其勤

朝獻景靈宮

皇帝詣盥洗乾安之曲

給事中楊

齋宮皇皇瓊居鏘鏘承祭之初如在其旁挹彼注兹儲禧迎祥神之聽之欣欣樂康

皇帝再升殿乾安之曲

涓選休辰有事嘉薦琅琅瓊俾陟降巖殿其陟伊何幣
玉斯奠周旋中禮千億儲美

皇帝還位乾安之曲

我后臨饗奠幣攸畢式旋其趨矩度有式禮容齊莊孝
思純實天休滋至時萬時億

尚書奉饌吉安之曲

百職駿奔來相于庭奉盛以告登茲芳馨際天蟠地默
通三靈神兮來歆胙我休平

皇帝再盥洗乾安之曲

有嚴大禮對時休明情文則粢蠲潔必清再臨觀盥以
專以精真游來格永觀厥成

皇帝再升殿乾安之曲

於赫炎宋十葉華曜屬茲郊報陟降在廟其陟伊何極
漿桂酒再拜斟酌永御九有

皇帝還位乾安宮之曲

奠鬯告成式旋厥位天步雍容神人燕喜九廟觀德百
靈薦祉子孫其昌垂金萬祀

文舞退武舞進正安之曲

於皇樂舞進旅進旅一弛一張笙磬具舉豈惟玩聲象
德似是神鑒孔昭福祿來予

皇帝還位乾安之曲

帝臨闕庭逆釐上靈神鵝安坐肅若有承嘉觴既伸德
聞惟馨德光留俞祚我億齡

尚書徹饌吉安之曲

普淖既薦苾芬孔時神嗜而顧有來宴娛饗矣將徽載
欽載祗展詩以侑益臻厥熙

皇帝降殿乾安之曲

我秩元祀上推靈元展事有恤侵威肅然丹城既降秉
心益虔荷天之休于千萬年

皇帝還大次乾安之曲

帝降于郊昭事上祀爰茲畢觴復即于次颺旂載旋容
旌杏騎維皇嘉承錫祚昌熾

朝饗太廟

皇帝盥洗乾安之曲

維皇齊精駿假于廟觀盥之初惟以潔告衍承祖宗恤
祀昭孝誠心有孚介福斯報

皇帝還安乾安之曲

於穆清廟明禋是崇卿士駿奔助我肅雝
灌鬯已事精誠交通卻立以思倭然其恭

奉俎豐安之曲

有碩牲登于大房肅展以饗庶幾迪嘗匪
膋是告我民其康保艾爾後垂休無疆

皇帝再盥洗乾安之曲

盥至于再潔誠愈孚帝用祇薦靈咸嘉虞
騰歌臚歡會于軒朱觀厥顒若受福之符

皇帝還位乾安之曲

禮部侍郎賀九中

明祀舒徐升侑旋復星炬熒煌靈光下燭
惕然孝思不疾而速天載無聲降爾景福

皇帝降殿乾安之曲

明德惟馨進止回復復褊褊安恭儼若為谷誠意昭融
羣工袂屬成此稔容生乎齊肅

皇帝入小次乾安之曲

於皇我后祇戒專精躬制聲詩文思聰明雍容戾止玉
立端誠神聽如在福祿來寧

文舞退武舞進正安之曲

八音諧律綴兆充庭進旅退旅肅恭和平盛薦祖考靈
鑒昭升象功崇德邁觀厥成

皇帝出小次乾安之曲

夙戒告備禮節儼成妥侑惟虔氛氲夜澄有嚴有翼列
聖靈承於穆清閔肅肅無聲

皇帝再升殿乾安之曲

維皇親饗至再至三禮備樂奏層陛森嚴榮盛芳潔酒
醴旨甘雲車風馬從衛觀瞻

皇帝還位乾安之曲

帝既臨享步武鳴鸞陟降規矩顙昂周旋登歌一再典
禮莫愆神之聽之祉福綿綿

徹豆豐安之曲

熙事既成嘉籙告徹洋洋來臨藹藹布列配帝其功在
天對越允集叢釐萬邦和悅

皇帝降殿乾安之曲

起居郎王剛中

於皇上天欽哉成命集于冲人不承列聖爰熙紫壇于
廟告慶眔蠻潛通休祥荐應

皇帝還大次乾安之曲

盛德豐功一宗六宗欽翼燕詒禋饗是崇厲意齊精假廟惟恭率禮周旋福祿來同

圓壇

皇帝盥洗乾安之曲

帝顧明德監于克誠齊戒滌濯式示潔清郊丘合祛享意必精既盥而薦熙事備成

皇帝還位乾安之曲

克紹王業受命昊天泰畤禋燎入陞惟圓肅然威儀登降周旋是謂精享神鑒吉蠲

奉俎豐安之曲

至大惟天云何稱德展誠致薦牲用博碩誠以牲寓帝

由誠格居歆降祥時萬時億

皇帝再盥洗乾安之曲

帝出于震巽惟潔齊神明其德迺稱煙柴惟茲吉蠲昭
事聿懷重盥而祀敷錫孔偕

皇帝還位乾安之曲

肆類上帝懷柔百神藎結既設珪幣既陳精神潛交已
事而跋佑我億載基圖日新

皇帝入小次乾安之曲

恭展美報聿上修儀禮樂和節登降適宜德焉斯親神
靡不娛海內承福式固邦基

文舞退武舞進正安之曲

起居舍人洪遵

奉元尊臨富媪繫社於皇祖宗既昭格止奏舞象功靈

其有喜永言孝思盡善盡美

皇帝出小次乾安之曲

爰熙紫壇天地並況來燕來寧畢院鬱鬯承神至尊精
意所向告靈饗矣祉福其暢

皇帝還位乾安之曲

帝出震孝奏上儀燔燎羶薌神徠宴俟肅若舊典罔或
不祗既右饗之翕受蕃釐

尚書徹豆熙安之曲

燎薌既升炳菅以潔于豆于登薦蒿有飴紫幄煥黃神
其安悅將以慶成薄言盡徹

皇帝還大次乾安之曲

舞具八佾樂備六成大矣孝熙厲意專精已事而跋回

軫還衡我膺受之以莫不增

皇帝還內采茨之曲

五路鳴鸞八神警蹕天官景從莫不祇栗祲威盛容昭
哉祖述作我無疆叶氣充溢

皇帝升御座乾安之曲

拜祝于郊皇哉唐哉熙事休成六駢鼎來天闔以決地
垠以開隤祉發祥如登春臺

皇帝降御座乾安之曲

鴻霈普洽言歸端門蕩蕩巍巍旋轉乾坤穆然宣室儲
思垂思於斯萬年敷錫羣元

三十一年十二月二十五日翰林學士何溥劄子准尚
書省劄子今來恭文順德仁孝皇帝祔廟并日後太廟

薦饗行禮依儀本室有酌獻之樂其樂曲名係以原廟殿名為樂曲之名今欲乞朝廷差官先撰原廟殿名仍乞令學士院依殿名制撰前期降付本寺教習詔原廟殿名并樂曲並令學士院制撰溥恭撰景靈宮恭文仁順德仁孝皇帝神御殿名欲以端慶殿為名詔恭依

欽宗室酌獻端慶之樂

乾道元年至淳熙三年郊祀前一日期朝饗

太廟欽宗室樂舞章句

於皇欽宗道備德宏允恭允儉克類克明孝遵前列仁詡函生歆茲肆祀永燕宗祫

隆興二年五月二十六日禮部言太常寺申郊祀大禮逐處合用樂章乞從本寺將紹興二十八年郊祀大禮樂章開具申學士院看詳修潤降下教習施行詔依學士

院修內十樂章下項朝獻景靈宮皇帝再臨聖祖位乾安
之曲內十樂章下項朝獻景靈宮皇帝再臨聖祖位乾安
安之曲內十樂章下項朝獻景靈宮皇帝再臨聖祖位乾安
六宗作顯顯祖考是承作祖武是承還大次之曲內五格鳴鑾作
萬騎鳴鑾餘同始
興二十八年樂章

七月二十二日禮部太常寺言郊祀大禮前一日朝饗

太廟皇帝合詣別廟懿節皇后室行禮詔依

獻及亞獻終獻行禮敬豆等樂章係就用紹興三十二年翰林學士承旨洪邁修潤降到親宴太廟別廟樂章

皇帝升別廟殿登歌作崇安之曲

新廟肅肅藏事以時陟降堦城雍容有儀鞠躬周旋罔敢不祗祀史正辭靈其格思

別廟奉俎登歌作肅安之曲

肇嚴廟祀爰圖遺芳物必稱德或陳或將有縟其儀有芬其香靈兮徠下割烹是嘗

皇帝詣懿節皇后室酌獻登歌作欽安之樂

曾沙表虔正位椒庭徽音杳邈宮壺儀刑虔修祀事清酌惟馨縮以包茅昭格明堂靈

別廟亞獻登歌作嘉安之曲

終獻曲同

霄漢月墮郊原露晞徽音如在延佇來歸有酒既清累觴載祉神其醉止燕衍怡怡

別廟徹豆登歌作寧安之曲

仙馭弗返眇邈清都薦此嘉穀既豐既腴奠饗有誠既樂愉愉徹我豆籩率禮無踰

十二月十一日國子博士兼太常博士芮煒劄子勘會今來郊祀大禮其合用樂曲內太廟行禮徽宗皇帝酌獻一曲係御制并其樂章及鼓吹詞曲今來改月行禮節候不同亦合修潤欲乞從本寺具申學士院修潤降

下教習詔依

後院修潤乾道元年正月一日上辛郊祀學士

承元之樂內於皇烈考作於皇烈祖同極之表作禮樂

歲上辛辰建極時

權直學士院洪

洪建極時

乾道三年至淳熙三年郊祀大禮並用紹興二十八年
及乾道元年樂曲樂章

中興禮書第十八卷

吉禮十八

郊祀大駕鹵簿一

建炎二年八月二十八日詔令東京所屬官司般取起發儀仗法物赴揚州行在應副郊祀大禮十一月二十二日郊祀大禮共用儀仗一千三百三十五人

紹興七年九月二日臣僚劄子伏覩近詔文思院製造逍遙子務令樸素仰見聖性恭儉雖舜禹無以過也然然自用工今及一月未聞了畢豈作匠務盡工巧以奉御而不知非陛下崇儉之意乎欲望申飭有司元降指揮造以示天下使侈靡之俗一變而有淳古之風詔依

十二年七月二十四日太常寺言准尚書省劄子權工部尚書莫將等劄子謹案周禮玉輅錫樊纓十有再就建大常十有二旂以祀金輅鉤樊纓九就建大旂以賓鄭氏注曰以賓謂以會賓客又按晉興服志曰金輅建大旂九旂以會萬國之賓本朝文德殿視朝及大慶殿冊命用黃麾仗共二千二百六十五人陳腰輿小輿并仗內應用儀物等並以五禮新儀鹵簿圖及今來降到圖冊參照制造伏乞更委太常寺日下詳定今與不合依上件制度仍乞差禮直官一名前來指說製造小貼子稱檢照降到圖冊內又有紫宸殿黃麾角仗排設儀仗法物等係用一千一百一十五人及所進圖冊內黃麾仗係用二千二百四十五人并有御輦院左右金吾

仗等處三百一十八人更乞參酌施行詔令太常寺曰
下詳定申尚書省本寺檢會國朝會要玉之制唯玉輅
以玉飭之玉輅以祀金輅以賓今依次序當先造玉輅
所有儀仗按本朝文德殿視朝及大慶殿冊命所有黃
麾仗共二千二百六十五人制度人數最為酌中今詳
欲依此制度製造詔依八月三日權工部尚書莫將等
言被旨製造玉輅尋將天聖宣和鹵簿圖考究制度并
逐色合于人省記指說參酌製造車輪平盤頂轅等尺
寸并說飾亦用兩朝鹵簿圖參娶之質酌中之質隨宜
製造詔依

九月十八日上御射殿臨軒再坐令百官觀玉輅畢宣
宰執賜茶

十三年二月九日詔將來郊祀大禮合排設大駕鹵簿并仗內六引令禮兵部太常寺討論合排設名件數目申尚書省

十四日試兵部侍郎兼侍讀資善堂翊善程瑀言勘會三駕鹵簿大駕以郊饗上天臨御九伐法駕以祭方澤祀明堂奉宗廟藉千畝小駕以恭園陵親蒐狩將來郊祀大禮合用大駕緣宣和重脩鹵簿圖大駕係象六頭并六引儀仗鼓吹及前後部黃麾仗內設車輿輦輅其駕士並擡擎人各有執著服色物件大段數多今來創行製造竊慮不前兼有司見今度地修建圓壇去處不遠難以排列禮兵部太常寺契勘昨建炎二年揚州郊祀所用儀仗係於大駕鹵簿內從權裁定總一千三百

三十五人今討論欲參照祖宗舊儀及揚州郊祀人數重別增損并將昨來親饗黃麾半仗

為二部及中道設輦輅腰輿等行列所貴隨宜添置前期易為辦集小貼子契勘漢祀天南郊用法駕三十六乘亦用小駕十二未嘗有定制國初創立大駕鹵簿一萬一千二百二十二人今來欲權約用國初大駕人數之半大駕六引中道詔依國初大駕鹵簿人數

象六中道分左右為三重各持鐵鈎一名跨其上又准備象一紹興十三年郊祀用象一簇象兵級旗槍等共二十九人自十六年至二十八年用象六准備象一簇象兵級旗槍等共五十七人乾道元年至九年如紹興之制淳熙三年如紹興二十八年制之執旗槍一名次

擊鑼一名次小鼓一十二人管押節級二人前引執鉄鈎一名在中次執旗槍四人次執礮石鈎二人次執鉄鈎二人次執旗槍四人次執礮石鈎二人次執旗槍二人次執礮石鈎二人次執鉄鈎二人次執旗槍四人次並分左右行象外為一十二重

六引 第一引中道清道二人重行次懔弩一執人騎諸引執懔弩人並時次方纒一次雜花扇二為一列次曲蓋一外仗青衣二人次車輻棒二次告止幡二次傳教幡二次信幡二並分左右戰十分左右在車輻至信幡外 第在右次大鼓十為二重次節一夾稍二為一列執人騎諸引執節夾稍人並時次方纒一次雜花扇四為一列次曲蓋一次幢一在左麾一在右執人騎諸引執幢人並時次大角四為

一列次鏡一次簫二次笳二次橫吹二各為一列次簫
次笛各一在左簫簃次笳各一在右外仗青衣四人次
車輻捧四各為二重次告止幡二次傳教幡二次信幡
二次儀刀十為五重並分左右戟二十在車輻捧至儀
刀外為十重刀盾二十在戟外為十重弓矢二十在刀
盾外為十重稍二十在弓矢外為十重並分左右 第
三第四第五第六引中道雜花扇各二大角各二外仗
青衣各二人餘并同第二引

金吾本司燾稍 左右皂燾各六為一列次押燾二人
次押衙四人次驍稍八為二重次上將軍將軍各四員
為二重次大將軍二員為一列次驍稍四為一列並騎
次朱雀旗隊 天武都指揮一名引隊驍稍二為一列

次朱雀旗一次弩四為一列次天武都指揮使一名並騎

次龍旗隊 左右衛大將軍一員檢校次引旗一次風師旗一在左雨師旗一在右次雷旗一在左電旗一在右次五星旗五為一列木星旗在左火星土星金星水星以次列於右次左右攝提旗二為一列次北斗旗一居後次護旗一並騎

次金吾引駕騎 神勇都指揮使二人分左右次弩弓矢稍各四為三重並騎

次太常前部鼓吹 鼓吹令二人次府史四人各為一列分左右次管轄指揮使一名次柶鼓金鉦各六為二重鼓在左鉦在右次師兵官四人為一列次大鼓六十

為十重次帥兵官四人為一列次長鳴六十為十重次
帥兵官四人為一列次鏡鼓六為一列次帥兵官二人
分左右次歌工次拱辰管次簫次笳各十二各為二重
次大橫吹六十為十重次帥兵官六人內二人分左右
次四人為一列次節鼓一次笛次簫次篳篥次笳次桃
皮篳篥各十二各為二重次帥兵官二人分左右次柁
鼓金鉦各六為二重鼓在左鉦在右次帥兵官四人為
一列次小鼓六十為十重次帥兵官四人為一列次中
鳴六十為十重次帥兵官四人為一列次羽葆鼓六為
一列次帥兵官二人分左右次歌工次拱辰管次簫次
笳各十二各為二重

次持鉦前隊 驍騎都指揮使一名騎次靈芝旗二次

騎軍使二人騎次瑞瓜旗二並分左右次絳引幡一在中金節十二分左右夾幡執人騎次雙蓮花旗二分左右次罕一在左罕一在右次太平瑞木旗二分左右朱雀旗一次又一並在中次青龍幢一在左白虎幢一在右內幢又執人並騎次甘露旗二分左右次稱長一名在中次鉞戟五十為十重次驍騎將軍二人次嘉禾旗二並分左右次驍騎軍使二人騎分左右次芝草旗二分左右次黃麾幡一在中內執人騎

次六軍儀仗 第一隊軍將二人分左右次卒長二人騎分左右次熊虎旗二次戈二並分左右次白桿槍十為五重次吏兵旗一在左力士旗一在右次戈二矛二並分左右次白桿槍十為五重次力士旗二分左右次

白桿槍一為五重次戟二鉞二並分左右次白桿槍十
為五重次戈二矛二戟二鉞二並分左右次赤豹旗二
分左右次白桿槍十為五重平列旗二十在仗外分夾
本軍旗槍每二人為一列 次第二隊軍將二人分左
右次卒長二人騎分左右次龍君旗一在左虎軍旗一
在右次戈二分左右次白桿槍十為五重次黃熊旗二
戈二矛二並分左右次龍君旗一在左虎君旗一在右
次白桿槍十為五重次戟二鉞二並分左右次吏兵旗
一在左力士旗一在右次白桿槍十為五重次赤豹旗
二分左右次白桿槍十為五重次戈二矛二戟二鉞二
黃熊旗二並分左右次龍君旗一在左虎君旗一在右
平列旗二十在仗外如第一隊分夾 次第三隊軍將

二人分左右次卒長二人騎分左右次戈二分左右次
更兵旗一在左列士旗一在右次白桿槍十為五重次
戈二矛二並分左右次白桿槍十為五重次熊虎旗二
次戟二鉞二並分左右次白桿槍十為五重次龍君旗
一在左虎君旗一在右次戈二矛二戟二鉞二並分左
右次天王旗二次通直官二人並分左右次十二辰旗
各一丑寅卯辰巳午時旗在左未申酉戌亥子時旗在
右次王天旗二分左右平列旗二十在仗外如第一隊
分夾

次龍墀旗隊 天下太平旗一排仗外將二人夾太平
旗次五方龍旗各一為三重赤龍旗在前次黃龍旗在
中青龍旗在左白龍旗在右次黑龍旗在後次金鸞旗

一在左金鳳旗一在右次獅子旗一分左右次尹
歲旗一次日旗一在左月旗一在右次御馬十分左
右為五重

次中道隊左右衛大將軍一員檢校騎次日月合璧
旗一在中次慶雲旗二分左右次五星連珠旗一在中
次祥光旗二分左右次長壽幢一在中

次金吾衛門旗左右各二為中道第一門次監門使臣
左右各三員為一列並騎

次金吾細仗青龍旗一在左白虎旗一在右次五岳
神旗五為三重南岳旗在前次中岳旗在中東岳旗在
左西岳旗在右次北岳旗在後次五方神旗五如五岳
旗陳列五岳旗在左五方神旗在右次五方龍旗各五

相間為五隊每隊為三重赤龍旗在前次黃龍旗在中
青龍旗在左白虎旗在右次黑龍旗在後前一隊次北
嶽旗餘隊各次又五方鳳旗各五相間為五隊如五方
龍旗陳列前一隊次北方神旗餘隊各次五方龍旗在
左五方鳳旗在右次四瀆旗各一為一列江瀆淮瀆旗
在左河瀆濟瀆旗在右次押旗二人左右騎

次八寶為四重 鎮國神寶在左受命之寶在右皇帝
之寶在左天子之寶在右皇帝信寶在左天子信寶在
右皇帝行寶在左天子行寶在右香案八分左右為四
重每重列于寶輿之前燭籠三十二分左右為一十六
重於寶輿香案之前相間引寶輿掌八人引寶傳寶官
一員內外符寶郎各二員行於寶輿之間援衛一百人

分左右為五十重碧欄二十四人分左右為十二重在
援衛之外

次方纛二為二重朱圓扇四為二重夾方纛次四色官
六人為三重次押仗二人騎次金甲二人並分左右次
進馬官四人騎為二重次千牛衛大將軍一員在中次
千牛衛將軍八員為四重次金吾引駕官二員分左右
並騎

次導駕官分左右騎導

次大纛二為二重鳳扇四為二重夾大纛次腰輿一在
中鳳扇一十六為四重夾腰輿次華蓋二分左右次排
列官一名次香鐙一次火燎一次小輿一
次道遙子一應奉輦官并人員共七十九人

次平輦一應奉輦官并人員共七十八人

駕前執燭籠都下親從三百三十人前驅都下親從一百五十人東西班約攔六十人引駕殿前指揮使四十人東第三班長入祇候五十二人引駕諸班直主首九人下茶酒新舊班一百六人並分左右開道旗一在中次人員一名次皂纛旗十二為三重次鈎容直二百七十人引駕作樂次人員三人為一列次吉利旗五為五次人員一名次五方龍旗五次人員二人分左右次龍旗二十為十重次人員二人分左右次門旗六十為十重殿前指揮使引駕骨朶子直四十人左右在門旗之外中道駕頭下天武二十二人都下親從一十六人次下茶酒班執從物殿侍二十二人次駕前都下親從二

十二人一作行次劍六人次屨旗一在中次人員一名次
殿前指揮使行門二十二人擊鞭一十二人次御龍直
傳宣打纛執從物一百二十人內裏真珠頭快行五十
人次日旗一在左月旗一在右次麟旗一在左鳳旗一
在右次青龍旗一在左白龍旗一在右次青龍旗一在
左黑龍旗一在右次人員二人分左右次引駕千牛衛
上將軍一員在中次誼馬六分左右

玉輅駕青馬六駕士二百五十六人奉宸隊分左右充
禁衛從裏第一重崇政殿親從子園子二百人從裏第
二重御龍直二百五十人從裏第三重崇政殿親從外
園子二百五十人從裏第四重御龍骨朶子直二百五
十人從裏第五重御龍弓箭直二百五十人從裏第六

重御龍弩直二百五十人從裏第七重禁衛天武二百五十人從裏第八重都下親從方園子三百人禁衛園子外天武約攔二百人編排禁衛行子二十一人快行五十九人並分左右管押將校相視地步御龍四直各二人照管行子御龍四直各六人天武六人禁衛內攔前崇政殿親從子十二人

駕後部 大黃龍旗一次駕後樂東西班三十六人次鈞容直三十一人並騎次扇篋下天武二十二人都下親從一十六人次茶酒班執從物五十人騎次大輦一掌輦四人分左右在大輦之前應奉輦官并人員共六百一十四人

分作五次
番祇應

御馬十為五重

次持鈸後隊

神勇都指揮使二人騎次重輪旗二並

分左右次大纛二為二重朱團扇四為二重夾大纛次
朱團扇四為一列次鳳扇二分左右小雉扇二分左右
夾鳳扇次小雉扇二十為五重次華蓋二為一列次睥
睨十二為二重次御刀六為二重次元武幢一在中次
絳麾二分右左次義一在中次細稍十二為二重次駢
騎都指揮使一名騎總領大角次大角四十為十重
次太常後部鼓吹 鼓吹丞二人次典史四人各為一
列分左右次管轄指揮使一名次羽葆鼓六為一列次
歌工次拱辰管次簫次笳各十二名為二重次帥兵官
二人分左右次鐃鼓六為一列次帥兵官二人分左右
次歌工次簫次笳各十二各為二重次小橫吹六十為
十重次帥兵官四人為一列次笛次簫次箏箏次笳次

桃皮篳篥各十二各為二重

次黃麾幡一在中

次金輅一駕赤馬六次象輅一駕赭白馬六次革輅一
駕駟馬六次木輅一駕黑馬六次誼馬各六駕士各一百
五十四人

次掩後隊 宣武都指揮使二人分左右次大戟次刀
盾次弓矢次稍各十五各為一列

次金吾牙門旗左右各二為中道第二門次監門使臣
左右各三員並騎

次元武隊並騎 虎翼都指揮使一名次襍稍二為一
列次元武旗一在中次稍十次弓矢十各為二重次弩
五為一列

大駕外仗

清遊隊並騎

次第六引

白澤旗左右各一捧日指揮使左

右各一名在旗外次左右弩各二次弓矢各五次稍各八各為一列

次左右金吾十六騎天武都頭左右各一名次左右弩各四次弓矢各六次稍各六各為一列

次飲飛隊 拱聖都指揮使左右各一名騎次左右虞候飲飛各十各為五重並騎鐵甲飲飛各六在虞候飲飛外並甲騎

次前隊及仗

次金吾十六騎在飲飛隊最外

行都頭六人騎分左右

及又分左右各三十及又相間單列

次後隊及仗

都頭四人騎分左右及又分左右各二

十如前隊行列

凡前後隊受仗前後中道
北斗宿旗後盡處傳後隊

前部馬隊

第一隊捧日都指揮使左右各一名次角

宿旗一在左斗宿旗一在右次亢宿旗一在左牛宿旗

一在右次左右弩各二次弓矢各五各為一列次稍各

八各為二重 第二隊捧日都指揮使左右各一名次

氐宿旗一在左女宿旗一在右次房宿旗一在左虛宿

旗一在右 第三隊天武都指揮使左右各一名次心

宿旗一在左危宿旗一在右 第四隊天武都指揮使

左右各一名次尾宿旗一在左室宿旗一在右 第五

隊拱聖都指揮使左右各一名次箕宿旗一在左壁宿

旗一在右 第六隊拱聖都指揮使左右各一名次奎

宿旗一在左井宿旗一在右 第七隊神勇都指揮使

使左右各一名次妻宿旗一在左鬼宿旗一在右 第
八隊神勇都指揮使左右各一名次胃宿旗一在左柳
宿旗一在右 第九隊驍騎都指揮使左右各一名次
昴宿旗一在左星宿旗一在右 第十隊宣武都指揮
使左右各一名次畢宿旗一在左張宿旗一在右 第
十一隊虎翼都指揮使左右各一名次觜宿旗一在左
翼宿旗一在右 第十二隊廣勇都指揮使左右各一
名次參宿旗一在左軫宿旗一在右自第二隊至第十
二隊執弩弓矢稍人數行列並同第一隊

次步甲前隊 第一隊捧日指揮使次都頭左右各一
名並騎諸隊內指揮使都頭並騎次左右鷓鴣旗各一次青鍪甲刀
盾各十各為二重 第二隊捧日指揮使都頭龍旗次

朱鑿甲刀盾 第三隊天武指揮使都頭萬年連理木
旗次黃鑿甲刀盾 第四隊天武指揮使都頭芝禾並
秀旗次白鑿甲刀盾 第五隊拱聖指揮使都頭祥鶴
旗次黑鑿甲刀盾 第六隊拱聖指揮使都頭馴犀旗
次黃鑿甲刀盾

次金吾牙門旗四為左右第一門監門使臣左右各四
員並騎

次步甲前隊 第七隊神武指揮使都頭鶡鷄旗次青
鑿甲刀盾 第八隊神武指揮使都頭麟旗次朱鑿甲
刀盾 第九隊驍騎指揮使都頭白狼旗次黃鑿甲刀
盾 第十隊驍騎指揮使都頭蒼烏旗次白鑿甲刀盾
第十一隊虎翼指揮使都頭鸚鵡旗次黑鑿甲刀盾

第十二隊廣勇指揮使都頭太平旗次黃鑿甲刀盾
自第二隊至第十二隊每隊指揮使都頭及旗刀盾人
數行列並同第一隊

次金吾牙門旗四為左右道第二門監門使臣左右各
四員並騎

次前部黃麾仗 第一部殿中侍御史左右各一員騎

諸部殿中侍御史並騎 次左右絳引幡各十各為二重次襍稍各

一次捧日指揮使各一名次都頭各五人各為一列並

騎諸部頭並騎 次黃麾各二十五各為五重次鼓各二

次斧次戟各五各為一列次弓矢各十各為二重次稍

各十五各為三重次弩各五各為一列 第二部殿中

侍御史次天武指揮使次都頭青麾鼓斧戟弓矢稍弩

第三部殿中侍御史次拱聖指揮使次都頭緋鼙鼓
斧戟弓矢稍弩 第四部殿中侍御史次神勇指揮使
次都頭黃鼙鼓斧戟弓矢稍弩 第五部殿中侍御史
次驍騎指揮使次都頭白鼙鼓斧戟弓矢稍弩 第六
部殿中侍御史次廣勇指揮使次都頭黑鼙鼓斧戟弓
矢稍弩自第二部至第六部殿中侍御史指揮使都頭
鼙鼓斧戟弓矢稍弩人數行列並同第一部

次青龍白虎旗隊並騎 青龍旗一在左白虎旗一在
右次虎翼都指揮使左右各一名次左右弩各二次弓
矢各五各為一列次稍各八各為二重

次班劍儀刀隊並騎 左右武衛將軍左右各一員次
捧日指揮使天武指揮使拱聖指揮使神勇指揮使左

右各一名各為一列次左右班劍各三十各為十五重儀刀各三十各為十五重在班劍之外次驍騎指揮使驍勝指揮使宣武指揮使虎翼指揮使左右各一名各為一列次班劍儀刀人數行列並同前

次親勲散手驍衛翊衛隊並騎 中衛郎左右各二人翊衛郎親衛郎左右各一名各為一列次衛兵左右各二十各為十重甲騎左右各二十各為十重在衛兵之外

次左右驍衛翊衛三隊並騎 第一隊左右騎衛大將軍左右各一員次左右雙蓮旗各一次弩各二次弓矢各五各為一列次稍各八各為二重 第二隊左右武騎衛將軍左右各一員次飛黃旗弩弓矢稍 第三隊

廣勇指揮使左右各一名次吉利旗弩弓矢稍第二隊
第三隊旗弩弓矢稍人數行列並同第一隊

次金吾牙門旗四為左右道第三門監門使臣左右各
四員並騎

次捧日隊三十四隊左右各十七隊每隊引隊一名次
押隊二人次旗頭三人次槍手五人各為一列次弓箭
手二十人各為四重

次後部黃麾仗共六部內第一部無絳引幡標稍其殿
侍御史指揮使都頭鼙鼓斧戟弓矢稍弩人數行列自
第一部至第六部並同前部黃麾仗

次絳引幡左右各十各為二重

次金吾牙門旗四為左右道第四門監門使臣左右各

四員並騎

次步甲後隊第第一隊捧日指揮使次都頭左右各二

人並騎

諸隊內指揮使都頭並騎

次左右鷗旗鷗鷄旗各一為一列

次青鞞甲刀盾左右各十各為二重 第二隊天武指

揮使次都頭芝禾並秀旗萬年連理木旗朱鞞甲刀盾

第三隊拱聖指揮使次都頭馴犀旗祥鶴旗黃鞞甲

刀盾 第四隊神武指揮使次都頭蒼烏旗白狼旗白

鞞甲刀盾 第五隊驍騎指揮使次都頭天下太平旗

鸚鵡旗黑鞞甲刀盾 第六隊虎翼指揮使次都頭鷗

鷄旗鷗旗黃鞞甲刀盾自第二隊至第六隊指揮使都

頭旗刀盾人數行列並同第一隊

次金吾牙門旗四為左右道第五門鑒門使臣左右各

四員並騎

次後部馬隊

第一隊捧

次後部馬隊

第一隊捧日都指揮使左右各一名次

左右角瑞旗各一次弩各二次弓矢各五各為一列次

稍各八為二重 第二隊捧日都指揮使赤熊旗弩弓

矢稍 第三隊天武都指揮使兕旗弩弓矢稍第四

隊天武都指揮使天下太平旗弩弓矢稍 第五隊拱

聖都指揮使馴犀旗弩弓矢稍 第六隊拱聖都指揮

使芝禾並秀旗弩弓矢稍 第七隊神勇都指揮使萬

年連理木旗弩弓矢稍 第八隊神勇都指揮使驕牙

旗弩弓矢稍 第九隊驍騎都指揮旗蒼烏旗弩弓矢

稍 第十隊宣武都指揮使白狼旗弩弓矢稍 第十

一隊虎翼都指揮使龍馬旗弩弓矢稍 第十二隊廣

勇都指揮使金牛旗弩弓矢稍自第二隊至第十二隊
指揮使旗弩弓矢稍人數行列並同第一隊

立仗

大黃龍負圖旗一執紼七十人陳于麗正門外君王萬
歲旗一在左天下太平旗一在右次日旗一在左月旗
一在右次五星連珠旗一在左北斗招搖旗一在右次
東方七宿青龍旗一在左西方七宿白虎旗一在右次
南方七宿朱雀旗一在左北方七宿玄武旗一在右執
紼共一百七十人陳于青城泰禋門外然按大駕之別
有四曰引曰中
通曰外仗曰立仗中道者中道而行外仗故又別之立仗則定
行六引亦行中道而其外無外仗故又別之立仗則定
立于一處而不行者也外仗有左右中道亦有左右
人並行也又有六人並行者如儀已為外仗是又更
在仗外是也其所掌之官惟鼓吹隸于太常樂皆殿
前司反侍衛親軍馬步軍而總領官而統領于尚書兵

紹興十三年二月十八日兵部侍郎程瑀等言勘會將
來郊祀大禮依已降指揮用國初大駕儀仗總一萬一
千二百二十二人除已有黃麾半仗玉輅腰小輿大輦
平輦逍遙子執著法物外有其餘儀仗下人并已討論
製造金輅象輅革輅木輅方亭鳳輦寶輿屬車等下人
各有執著服色法服儀仗即今並闕伏望朝廷詳酌指
揮下所屬取會應奉官司命各用數目製造施行一
已有共三千四百九十二人法物儀仗黃麾半仗二千
四百八十三人玉輅腰小輿大輦平輦逍遙子下共一
千九人 一見闕七千七百三十人法物儀仗金輅象
輅革輅木輅芳亭鳳輦屬車寶輿等一千二百七十三

人儀仗鼓吹天武捧日奉宸隊等共六千四百五十七

人詔依合用文繡並以纈帛充代

纈帛有旨差部兵部官發時故軍器監劉才

即主簿宋明專一照檢從從參定核制製造今本部長兼提舉是歲十月畢工

十三年二月十八日兵部侍郎程瑤等言承都省劄子

將來郊祀大禮合用儀仗已降指揮依國初大駕鹵簿

人數所有仗內六引車輅輦輿詔令禮兵部太常寺討

論合排辦數申尚書省今討論除五副輅不須製造外

有合製造排辦車輅輦輿數內見闕六引車六乘墨車

二乘夏縵車四乘五正輅除玉輅外見闕金輅象輅革

輅木輅四乘屬車十二乘黃鉞車一乘豹尾車一乘及

寶輿

按見在寶輿數

殿中輦輿除大輦平輦逍遙子腰小輿外

見闕二乘芳亭輦一乘鳳輦一乘候指揮詔令工部量

度工力製造

二十三日禮部言准都省批下右司郎中兼權太常少卿王師心等劄子契勘本寺近承指揮供大駕鹵簿并仗內六引合用名件人數本寺已勘會開具合用鼓吹供申外看詳鼓吹鹵簿六引係屬本寺鼓吹局職事其合排大駕鹵簿內鼓吹前後部約用執色樂工等一千五百餘人晝在仗內道駕夜在警場奏嚴緣舊制本寺有鼓吹局置令丞錄事院官內長引樂官色長樂工共一百一十九人為額若遇大禮除用鼓吹局所管人外其餘所關係借差殿前馬步三司雜攢樂人等充攝係鼓吹已下教習所用控詞樂藝前連後次陳拽排立次序奏嚴節次竊緣即日無鼓吹局不唯將來闕人教習

亦不見得執著服色樂器制度并所用腔譜詞曲竊慮
今來行在内外有舊係大晟府鼓吹局人今欲乞指揮
下寺許行召募及踏逐先曾充大晟府并本寺鼓吹局
不以是何名色人三五人赴寺與依見今樂正支破請
給如内有已係有名目之人及見在官司人亦詳踏逐
如有一切拘礙不許發遣且依今從指揮施行候事畢
無遺闕別行申取朝廷指揮後批送禮部勘當申尚書
省本部尋下太常寺勘當欲依逐官所乞事理施行詔
依

三月二十二日禮部侍郎王賞等言勘會將來郊祀大
禮前二日朝獻景宮前一日朝饗太廟依禮例合排設
鹵簿儀仗車輅緣今來行在街道與在京事體不同所

有將來車駕詣景靈宮太廟欲乞權依在京四孟朝獻
禮例服履袍乘輦赴逐處行事日服袞冕行禮俟太廟
行禮畢依自來大禮例排設鹵簿儀仗皇帝服通天冠
絳紗袍乘玉輅詣青城齋宮詔依自後遂郊並依此乾
道七年以後改履為

閏四月六日工部言將來郊祀大禮依已降指揮用國
初大駕儀仗各有執著服色法物儀仗令所屬取會數
目製造合用文繡並以纈帛克代尋節次取會太常寺
兵部殿前司六軍儀仗司御輦院車輅院祗候庫翰林
司具到合用名件除已行下軍器所等處計料的確工
料外數內有合申請事件下項 一契勘今來所造法
物儀仗內錦襖子及應合用錦今欲依文繡已得指揮

並以纈羅充代 一據祇候庫供具乞將仗內應用銅
革帶除指揮使都頭製造外其餘執仗人乞依朝服法
物庫熙豐舊制隨衫色造絹勒帛使用 一乞將應合
用絹袴鞋襪除青緋黃皂製造外其白絹袴鞋襪止造
輅下駕士人裝著餘應執仗人白絹袴行纏鞋襪乞依
在京日例自備更不製造 一車輅院香鑪紫衣褥婢
睨并御輦院華蓋曲蓋及仗內青龍白虎元武朱雀長
壽幢袋角袋自來用繡雞以用纈帛充代今乞止用生
色 一應用錦帽子并錦臂袖可以打造方勝綵纈纈
羅製造充代使用 一太常寺鼓吹樂器湏要按協聲
律乞差本寺樂正樂工三兩人前來品按指說製造
御輦院申開具到郊祀大禮合排辦纈扇下執擎輦官

共九十九人執著服色乞下法物庫契勘今具下項紫
方織六人並服武弁冠黃純綉抹額黃純綉寶相花寬
衫錦騰革帶朱團扇二十六人並服武弁冠黃純綉抹
額黃純綉寶相花寬衫革帶紫大方織二人並服緋純
綉抹額緋純綉寶相花寬衫革帶紫大方織二人並服
弓脚幞頭碧欄衫金銅革帶烏皮履騎大雉扇四人並
服弓脚幞頭碧欄衫金銅革帶烏皮履騎大織四人服
武弁冠緋純綉寶相花寬衫黃襯衫白絹袴白勒帛中
雉尾扇一十六人並服武弁冠緋純綉寶相花寬衫黃
襯衫白絹袴白勒帛小雉扇一十六人並服武弁冠緋
純綉寶相花寬衫白勒帛華蓋四人並服武弁冠緋純
綉寶相花寬衫黃襯衫白絹袴白勒帛大雉尾扇八人

並服武弁冠緋純綉寶相花寬衫白勒帛託义二人並服武弁冠紫綉寶相花寬衫錦騰勒帛掌輦四人服武弁冠紫純綉寶相花寬衫革帶排列官一人服紫純綉寶相花袍幘頭白絹襪烏履革帶一祇候庫具到紫方纈八柄可以就用朝殿纈更不製造朱團扇二十六柄已有朝殿扇十二柄止造一十四柄雉扇四十四柄已有朝殿鳳扇二十二柄雉扇二十二柄可以充代就用更不製造一閱會兵部稱引駕排設纈扇共九十人依近降指揮就用黃麾半仗外却將黃麾半仗內纈扇七十柄改造班劍七十口若申明許行改造於本院即無違礙一乞創造下項班劍七十口武弁弁冠七十頂白絹抹帶七十條緋純寶相花衫七十領一貼

造下項朱團雜花扇一十四柄

係

曲蓋六柄

生色

紫

大繖四柄青紫羅華蓋四柄

生色衣

武弁冠二十八頂

黃純寶相花抹額六條白絹勒帛五十條紫純寶相花

寬衫六領紫純寶相花袍一領黃純寶相花抹額三十

二條礪石頭純泥朱漆行桿託义二柄黃純寶相花衫

三十二領本部所據御輦院并祇候庫供具及兵部關

到今欲依前項事理施行 一契勘所造儀仗執著服

色內有合用純今欲乞改用紬製造 一契勘今來所

造儀仗內綉造生活已承指揮以纈帛充代緣內有綉

旗即難用纈帛今欲乞錯彩製造所有殿前司合著服

色內帽子共五十頂看帶全契勘上件生活係禁衛班

直合用之數欲乞行下殿前司令本司自行置備施行

一殿前司合用儀仗內金槍二百條銀槍二百條銀
旗桿一百一條條槍內金槍逐急隨宜用新羅漆漆飾
外合用全裝旗甲五百七十五副內五副軍中自有更
不造作欲乞行下殿前司自行添造就用施行 一殿
前司具到禁衛諸班直天武鈞容直合著服色衣甲器
械內有合用真珠北珠等物共七百八十四人殿前司
稱竊慮內有異同去處乞移文祇候庫契勘詣實尋取
到庫狀稱本司具到禁衛班直有近應奉親饗所致頭
帽銀帶并礪石骨朵等及裝著新造纈羅衫可以應奉
郊祀所有鈞容直亦有本身頭腰腰帶止可據合用裝
著一體製造纈羅衫應奉貴免重複造小貼子稱本司
具到數目若行製造恐所用錦綉金銀真珠北珠工料

萬教浩瀚本部從依供到狀內事理施行 一工部取到祇候庫狀契勘所造郊社大禮緞扇下九十九人執著除將黃麾仗下七十人執著就用外其餘二十九人執著並行貼造詔依

閏四月十六日禮部言准都省批下白劄子謹按周官中車掌王之五路玉路建大常以祀金路建大旂以賓象路建大赤以朝革路建大白以即戎木路建大麾以以田五路所建如此而郊特牲言旂十有二旂龍章而設日月以象天觀禮言天子載大旂象日月升龍降龍以拜日節服氏維王之大常則兼祭祀朝覲言之以至司馬治兵之所辨司常大閱之所頒皆以大常為首然則祀乘玉路亦建大旂賓乘金路田乘木路亦建大常

參互推之則象輅革輅所建蓋可知矣夫天無二日土無二王日月為常天子之所建也豈容有二哉典路掌以路從說者謂王乘一路以其餘路從行然則五路雖或同時而出唯天子所乘則太常在焉所以一民之視聽也自漢以來制度殘闕唐禮五輅皆左建龍旂右載闔戟謬滋甚國初沿襲未暇釐正元豐改定郊廟禮文五輅所建悉如巾車之職又以闔戟非古議欲除去然左右並建其來已久蓋未有以易之迨政和間禮官廼請玉輅以太常大旂建於左右遂去闔戟不用得古制矣然本朝親祠唯乘玉輅自金輅而下止陳鹵簿之間今也亦建大常於左而大旂大赤大白大麾各於其輅之右攷之有未盡者夫太常建於五輅雖据周禮若

謂輅各有常同時而建則誤矣厥後郊祀五輅及其副車皆建太常日十並出觀者懼焉孔子曰毋輕議禮蓋其所繫者重也伏聞朝廷新創玉輅並建旂常已合於古將來大禮竊恐當造其餘四輅欲乞金輅左右並建大旂象輅左右並建大赤革輅左右並建大白木輅左並建大麾唯乘輿所御廼建太常以明至尊之道伏望詳酌施行送禮部看詳尋下太常寺看詳謹按周禮巾車五輅玉輅建太常又司常掌九旂日月為常其餘四輅金輅建大旂象輅建大赤革輅建大白木輅建大麾並無日月禮制甚明今看詳白劄子所請唯玉輅並建旂常已合古制外餘四輅欲依周禮各並建所載之旂更不建太常委得允當本部看詳欲依太常寺言准尚

事理施行詔依

二十八日禮部太常寺言准尚書省劄子兵部申契勘將來郊祀皇城南門外至利涉門經由道路欲依太廟已拆街道丈尺曉示官私去拆送部同殿前司禁衛所臨安府相度申尚書省除見同逐處相度外所有將來車駕自太廟行禮畢乘玉輅排列儀仗至皇城南門外合經由道路并太廟青城齋宮合升降輅去處未有明降指揮乞下禮部太常寺討論降下詔依兵部相度到事理施行禮部太常寺今討論將來車駕詣太廟行禮畢依儀皇帝自太廟樞星門外乘玉輅入行宮北門由大內出行宮南門依先降指揮經由利涉門至青城齋殿門外降輅伏乞更下兵部殿前司主管禁衛所車輅

院看詳有無妨礙去處施行小貼子兼契勘將來郊祀

大禮前二日車駕詣太廟宿齋日其儀仗自太廟排列

至行宮北門又自行宮南門排列至青城其皇城內更

不排列詔依紹興十三年至二十五年巡都並同內行

名布門麗正北門和寧後園二十八年嘉會禮部太常寺

路大泉經行新廟并利涉門更名曰嘉會禮部太常寺

中明乞朝饗太廟行禮畢皇帝自太廟極星門外來玉

輅由新輅至青城自二十八年至淳熙三年逐郊並同

五月六日禮部太常寺言契勘將來郊祀大禮合排設

大駕鹵簿儀仗并六引共用鼓吹八百八十四人今具

名色人數下項鼓吹令二人丞二人昨在京日本寺自

有鼓吹令丞如闕以次克攝緣即目並闕今欲乞下殿

前司差諸軍指揮使以上克攝府史四人典史四人舊

來係人吏克攝緣將來本寺人依吏例並充贊者供官

今欲乞並差殿前司諸軍指揮使以上充攝又指揮使
二人舊來係殿前司差今來乞依例令本司差撥帥兵
官四十六人舊來係殿前馬步三司受宣人充今來乞
依例於逐司差撥歌色十四人金鈺十七人柶鼓十
七人大鼓一百一十人小鼓六十人長鳴六十人中鳴
六十人鐃鼓十七人拱辰管三十六人羽葆鼓十二人
軍篳二十九人桃皮篳篳二十四人箛八十七人大橫
吹七十人小橫吹六十人簫八十七人笛二十九人節
鼓一名昨在京日差本寺鼓吹局樂工一百餘人外其
餘人並於殿前馬步軍司貼差雜攢樂人充緣即目見
闕鼓吹局樂工其前項合用人數並乞令逐司依名色
人數下諸軍及將下預行剡刷均差內歌色拱辰管篳

纂桃皮簫簫笳色大小橫吹簫笛並要稍諳樂藝之人
克攝詔依

八月三日宰執進呈有司檢舉大禮依舊例合用珠子
坐褥事上曰事天以誠為主如器用陶匏之類貴其質
也若惟事華麗恐非事天之本意

十四日兵部言契勘將來郊祀一行儀仗依例合前期
教習今相度欲下應合差撥執擎儀仗人馬官司於大
禮前兩月差撥一切足備前四十日於候潮門外大教
場內習儀前半月閱拽素隊及標認地分詔依後世

二十三日禮部太常寺言勘會將來郊祀大禮車駕前
後部并六引合用鼓吹令丞已下至執色人共八百八
十四人并指教使人一名前後擺拽導引作樂應奉依

在京例並合騎導竊恐今來經由道路窄狹擺拽擁遏難以騎導今相度欲乞止令步導詔依

二十九日主管禁衛所言契勘將來郊祀大禮禁衛所行列進止近已具奏竄差定隨從聖駕禁衛諸班直親從等共千八百九十九人禁衛園子八重并天武約攔共九重進止行列俟聖駕回鑾至行宮南門除道中外東西兩壁從外各留五重宣赦排立祇應詔依九月九日詔將來郊祀繳扇並依舊制拂扇等並不用珠子裝飾

十月六日兵部言勘會駕部昨在京日每遇郊祀大禮轄官司排辦中道車輅輦輿繳扇御馬儀仗人物合差駕部郎官一員於禁衛內中道往來檢察提舉免陪祠

宿齋仍差人吏三人隨逐點檢行違傳呼承局四人所轄軍兵內差搔其人吏服色幘頭腰帶紫衫所有今來郊祀大禮所轄官兵欲乞依在京日體例施行

二十二日兵部言契勘大禮一行儀仗已降指揮前半月閱搜索隊一日合自太廟閱拽至青城亦合經由入皇城北門經由宮門出皇城南門乞申明朝廷下太常寺指定施行太常看詳欲依兵部所申事理施行詔依十三年十一月戊午上服袍履乘輦朝獻景靈宮己未朝饗太廟上服通天冠絳紗袍乘玉輅齋于青城庚申日南至合祀天地于圜丘鹵簿萬二千二百有二十人初備五輅以黑繒為大裘盖元祐禮也

十六年六月二十三日宗正少卿兼權兵部侍郎趙子

厚等言勘會郊祀大禮依宣和鹵簿圖用大駕儀仗總二萬六十一人緣紹興十三年郊祀大禮承指揮用國初大駕一萬一千二百二十二人并續據殿前司添差到捧日奉宸隊等人三千八百二十八人共一萬五千五百人排辦應奉了當所有將來大禮欲乞依紹興十三年人數施行詔依

十六年十月三十日御藥院言據車輅院中所有今來郊祀圓壇行禮畢皇帝自齋宮乘輿出升玉輅或乘大輦本院今依紹興十三年郊祀大禮例合前期申御藥院取旨貼黃本院契勘昨紹興十三年郊祀大禮圓壇行禮畢奉聖旨乘大輦令取進止詔乘大輦

十八年二月十一日詔大禮儀仗等自來年正月一日

令有司檢舉修整

二十五年十月九日禮部言准都省批下添差權道判
徽州周麟之劄子伏覩國朝會要乾德六年大祖親郊
有司請以國初以來祥異著之旗章遂作金鸚玉兔馴
象三旗今天子受命中興功光創業化致升平諸福之
物不莫應期紹至近者太廟生靈芝九莖連葉此尤瑞
應之大卓絕而創見者仰維清朝盱飾百度當郊禋之
歲而帝祖昭鑒預賜嘉祥其顯赫如此宜令有司考故
事特製華旗繪靈芝之形於其上以章一代之偉績新
四海之觀聽昭示萬世實宗社大慶送部看詳申尋行
下太常寺看守本官所請事理依得國朝典故欲依所
乞仍乞令工部下所屬製造施行詔依

十日禮部侍郎兼侍講王珣禮部侍郎兼資錄院修撰
秦頊權禮部員外郎趙逵言恭惟國家中興之盛夏古
所無通者芝草產於太廟瑞麥秀於留都諸福之物可
致之祥莫不畢至主上爰命詞臣以芝草瑞麥製為樂
章以薦郊廟甚盛舉也近徽州通判周麟之有請乞令
有司考乾德六年太祖親郊故事以今來太廟芝草圖
其狀於華旗以章一代偉蹟蒙都省批送禮部看詳施
行外竊見前後諸處申到祥瑞甚多如贛州太平瑞木
黎州甘露道州連理木遂寧府嘉禾鎮江府瑞瓜南安
軍雙蓮花及嚴州兜率寺信州玉山縣亦生芝草皆太
平盛事欲乞盡付有司參照鹵簿行旗圖內未載者一
就令所屬製造施行詔依

十九年十月二十三日郊祀大禮橋道頓遞使巫伋言
契勘紹興十六年橋道頓遞使周三畏申請令軍輅院
於十一月初間選日排辦玉輅駕馭入皇城北門至皇
城南門外面却由皇城內歸院按試道路今欲乞依前
次體例令車輅院一面報太史局於十一月初間選日
排辦駕馭玉輅入和寧門至麗正門外面却經由皇城
內歸按試道路一次貴得詳穩若至日不測值雨即令
本院重別選日駕馭按試施行詔依自後遂
如此

二十二年十月二十二日兵部言幹辦車駱院張公立
等劄子契勘今來郊祀大禮本院排辦金玉象革木五
輅係前二日於太廟前入幕屋排設昨來本院係在太
廟北置院前二日車駕詣景靈宮本院駕馭五輅出院

徑入幕屋排設今來本院見遷在利涉門外冷水塢口
置院若依例前二日駕馭五輅守利涉門入麗正門經
由大內於幕屋排設竊緣街道窄隘轉彎掉圓遲慢緩
急有礙駕路及趨赴排設不及兼御輦院排辦大輦亦
係前三日入幕屋排設本院欲乞依御輦院排辦大輦
體例前三日車駕宿殿日駕馭車路赴太廟前入幕屋
排設委是穩便別無妨礙所有經由門戶亦乞行下所
屬照會本部移文太常寺契勘今來郊祀大禮合排辦
事務並依十九年已降指揮施行若申明朝廷指揮許
依大輦例前三日排設於本寺典禮別無妨礙本部今
勘會欲依車駱院申到事理施行詔依
二十八年八月十四日臨安府申契勘排辦郊祀大禮

五輅大象舊例經由內中往詣青城所有和寧門裏至麗正門內一帶妨礙屋宇合權去拆及填疊渠海鋪築道路本府照得措置修城所展套禁城新展街道將來聖駕親郊由候潮門直抵郊壇所有五輅大象亦合經行新路詔依

中